

30 1 2 3 4 5 6 7 8 9 30 1 2 3 4 5 6 7 8 9 100 1 2 3 4 5 6 7 8 9



淨土全書序

蓋聞願生淨土者必先淨其心其心淨則其土淨也

欲淨其心者必專精其法其法專則其功純也往生

淨土之要實法且繁其持名之專用功之精莫尚於

王龍舒淨土文矣余昔嘗閱其書每置卷三歎欲廣

流通俾九州四海若縑若素若男若女有厭離娑婆

極苦而忻羨安養極樂者皆得攝百千萬億三昧於

一念佛三昧中十二時間純而弗雜約而易操力省

功倍學教速善聞見佛求脫輪迴則此書誠為

C40
4514
(108)

D 54853

C40-4514

淨土全書序

蓋聞願生淨土者必先淨其心其心淨則其土淨也
 欲淨其心者必專精其法其法專則其功純也往生
 淨土之書實浩且繁其持名之專用功之精莫尚於
 王龍舒淨土文矣余昔嘗閱其書每置卷三歎欲廣
 流通俾九州四海若縑若素若男若女有厭離娑婆
 極苦而忻羨安養極樂者皆得攝百千萬億三昧於
 一念佛三昧中十二時間純而弗雜約而易操力省
 功倍期孚效速華開見佛求脫輪迴則此書誠為

丁公羽上座請大藏
 家書置之武州華
 我微英瑞院宜府
 為學之者不敢詩出
 當以二世鐵十機前

C40
 4514
 (108)

P 64853



障之前陣割惑之利鋒淨域之寶筏入聖之要津與
茲棲水俞惠公居士復原本龍舒博綜經論彙爲全
書旣以自利兼以利他觀其直捷信向願力弘厚可
謂入海而取明月之珠登山而採連城之璧無以加
矣刻成乞余一言以爲序余固知法專而后功純功
純而后心淨心淨而后土淨其將且暮而遇之也寧
止多善根多福德多因緣而已哉

康熙三年仲秋之月載恩琇頭陀題

淨土全書序

安養國法王子之言曰淨念相繼得三摩地卽淨土
心不必淨土歟曰勢至菩薩欲人於微塵內轉根本
法輪識淨土成住有因也曹溪大師之言曰東方人
求生西方西方人求生何國卽求生不必往生歟曰
盧祖慮人於一真界起爾我諍端明淨土跬步可到
也是故黃童白叟不論年華屋葦門不論地動靜閒
忙不論時無人非念佛人無地非念佛地無時非念
佛時然則一切人是佛本來人一切地是佛降生地

靈戶
一切時是佛成道時聲聲是佛聲念念是佛念龍舒居士於淨土三昧倏然而起歡喜合掌而告我言棲水善里有大長者現淨清身與我某甲分座說法令諸衆生同行佛行同堅佛願同證佛心同生佛土靈山老人爲作證明山僧不覺手舞足蹈敬書是語於其簡端
康熙甲辰初冬日靈隱弘禮題於直指堂中

淨土全書序

禪宗自達磨西來派傳五葉燈續千秋其間大智利根一聞徹悟妙證無上者固多若凡夫之人根器頑鈍雖菩提種子當身具足而雲深霧重推盪不開對此痴漢適欲以棒喝喚醒是猶以盲詔盲累劫難明妄在其爲大慈父耶釋迦如來爲是特說彌陀一經單指念佛往生前哲如慧遠首結蓮社中峯深懷淨土宜暢念佛法門向慕西方極樂大抵從凡夫所貪着處猛然善誘解者不敢以爲非昧者深以爲可喜

身月
三
蓋無智無愚大共極便之途也奈何末法浸衰本原
漸晦卽知念佛可以往生究不識所念何佛遂令西
方有億萬之遙苦海無間頭之樂豈知所謂念佛者
非徒以齒舌也念念是心念念是佛纔一動念西方
卽爾現前纔一現前是名極樂世界然則念佛往生
之說其諸卽心卽佛之謂與以爲提宗離念何處尋
宗以爲直證念佛將何作證是知列祖傳燈頓超生
死衆生篤信遂脫輪迴其歸一也近代蓮池大師重
開捷徑啓迪愚迷今復津逸而誨涇矣茲實蓮俞君

慮安養之虛懸憫塵沙之罔覺仰企龍舒之懿訓宏
參經傳之元詮彙爲一書其文博而不繁其義括而
無隱殆以嗣揚至教而廣接群蒙于弗墜者哉予不
敏諷覽終編頓生歡喜而爲之言

康熙乙巳仲春旣望狀元四明史大成謹序

淨土全書序
淨土之說肇自阿彌陀佛慈願弘開彰于釋迦牟尼
佛特告阿難其言非妄故西土傳教流入中華翕然
遵信如響應聲至晉慧遠祖師及劉遺民諸君結蓮
社百餘人篤信專修其中感佛來迎脫生淨土者不
勝屈指嗣後隋有智者魏有曇鸞唐有善導五會臺
岩大振宗風迨宋永明省常慈照諸師勸修益勵及
王龍舒先生嚮往愈堅修持愈篤臨終立化淨土之
歸較然矣自利利他著淨土文十三卷以詔來學歲

淨土全書序

淨土之說肇自阿彌陀佛慈願弘開彰于釋迦牟尼
佛特告阿難其言非妄故西土傳教流入中華翕然
遵信如響應聲至晉慧遠祖師及劉遺民諸君結蓮
社百餘人篤信專修其中感佛來迎脫生淨土者不
勝屈指嗣後隋有智者魏有曇鸞唐有善導五會臺
岩大振宗風迨宋永明省常慈照諸師勸修益勵及
王龍舒先生嚮往愈堅修持愈篤臨終立化淨土之
歸較然矣自利利他著淨土文十三卷以詔來學歲

久板翳呂元益重爲刊梓欲壽其傳刊至四卷第九
第十板迸出舍利三顆見之呂師說序中章章可攷
此皆精誠所感示現神通孰謂佛法無靈驗耶明蓮
池大師亦每每導人念佛往生其教稍廣予生也晚
間嘗竊聞其說而未悉其指近得龍舒淨土文度誦
許覽恍然見先生一片婆心真法寶中度世之慈航
也然此書大都接引中下居多其文浩繁恐根鈍者
不能豁然生信竊不自揣括其要旨畫爲淨土定式
刊板流通普勸道俗猶慮淨土之蘊未大備也更博

采諸經及餘尊宿所緒論輯爲全書以擴見聞所以
啓人之信破人之疑鼓邁往之志策銳進之階者視
前哲爲粗備異令娑婆世界衆生人人信向七寶池
中蓮花日日發生庶幾淨土一門永播恒沙于無量
焉爾

康熙三年甲辰仲夏寶蓮道人俞行敏謹題

勸修淨土啓

竊以學佛初機大悲自菩薩心印利他要行誘進乃
淨業勝因晉社羣賢願偕生於極樂十方海衆宜彙
拔於娑婆痛生死之難逃嘆無常之甚速敢不景仰
前哲鼓倡當來勸一人以至多人布沙門之法施念
一佛以至億佛適淨土之慈航勉爾同儕深植善本
常爲道侶勤策真功一夫退惰則協力提撕一子遐
昇則交相接引庶使衆生不永滯乎迷途且令善信
咸慶登夫實所若徒知而不修累葉常沉黑獄苟推

已而行化現身卽是彌陀敢冀弘仁轉加喚醒立時
下手猛地回頭一生遂補佛處曠劫不染纖塵斯誠
超脫輪迴之捷徑而直馳安養之康衢也實蓮道人
謹啓



淨土文序

阿彌陀如來以大願力攝受羣品繫念甚簡證果甚
速或者疑之余嘗爲之言阿彌陀佛卽汝性是極樂
國土卽汝心是衆生背覺合塵淪於七趣立我與佛
天地懸隔佛爲是故慈悲方便開示悟入現諸無量
如幻三昧莊嚴其國徇極華好復以辯智而爲演說
令諸衆生歡喜愛樂於日用中能發一念念彼如來
欲生其國卽此一念清淨堅固還性所有與佛無異
當是念時不起於坐阿彌陀佛極樂國土悉皆現前

如是修習乃至純熟幻身壞時此性不壞金蓮華臺
由性種生往生其中如歸吾廬諸佛菩薩卽我眷屬
性無異故自相親愛友人龍舒王虛中端靜簡潔博
通羣書訓傳六經諸子數十萬言一旦捐之曰是皆
業習非究竟法吾其西方之歸自是精進惟佛惟念
年且六十布衣蔬茹重趼千里以是教人風雨寒暑
弗皇恤間居日課千拜夜分乃寢面目奕奕有光望
之者信其爲有道之士也紹興辛巳秋過家君於宣
城留兩月始見其淨土文凡修習法門與感驗章著

具有巔末將求信道鋟木傳焉諉予序其書故爲之
題其端云虛中名日休十月旦狀元歷陽張孝祥序
之所謂修淨土者不可以不信也淨土乃西方極樂
世界其中種種殊勝莊嚴阿彌陀經載之詳矣河朔
衆生願生彼國者一稱其名隨念往生末世之人皆
於命終氣絕之後令他人稱念十聲滿之十念卽登
於事却不知於平日諸惡莫作衆善奉行念念不離
西方淨土念念願見彼佛彌陀直至命終不差果

如是修習乃至純熟身蒙勝此復不蒙
由種種生往生其中如歸吾處諸佛菩薩即我善
性無異故自相親愛友人龍行王處中端靜閑潔情
通羣書訓傳六經諸子數十萬言一旦窮之何是皆
年且六十布衣蔬茹重跡千里以是救人風雨寒暑
弗呈恤開居日課千拜夜分乃寢面目交爽有光華
張其齋云盍中谷曰朴十其且飛天烈烈悲萃獅乳
具齊醴米泔米計雖遠木轉譙藹午亭其膏對齋文

重刊龍舒淨土文序

華嚴經云信爲道元功德母長養一切諸善根然世
之所謂修淨土者不可以不信也淨土乃西方極樂
世界其中種種殊勝莊嚴阿彌陀經載之詳矣阿彌
陀乃彼中之佛未成佛以前有四十八願願願度人
衆生願生彼國者一稱其名隨念往生末世之人皆
於命終氣絕之後令他人稱念十聲謂之十念何益
於事却不知於平日諸惡莫作衆善奉行念念不離
西方淨土念念願見彼佛彌陀直至命終不差不亂

蓮臺上品決定化生五濁惡世更不再入但闡提之
人不信有之被惡業昏翳既不能自修又障他人修
此入地獄如箭射誠可憫也譬如遐邦絕域之人居
處服食極其荒涼安知有中國富貴快樂一旦或有
語之者咸以爲妄其中乃至一人聽而信之念慕中
國大厭彼土願身沒而生焉今生中國之人豈無若
輩乎此世畛中豈無遐邦絕域乎既有南瞻部洲便
有西方淨土捨此生彼亦理之常焉得而不信哉諸
佛無妄語佛語不誤人先賢達士及禪門宗師亦多

修淨土惟龍舒王居士信之篤修之勤正念現前臨
終明白淨土之歸無疑矣自利利他又作淨土文十
三卷引三教經書爲證方便利益開導後人可謂一
念萬年歲久板翳不任披闕吾侄呂元益遜齋自號
康廬隱客乃先兄道山左丞之子夙植善本來生我
家行已立身靡不在道饑寒病苦周恤有恒道釋諸
經印施饒益修行淨業惟已自知發心重爲刊梓欲
壽其傳願一切衆生悉歸淨土刊至第四卷第九第
十板鐵筆有礙迸出舍利三顆嵌罅深隱光彩燿燦

衆驚異焉此皆阿彌陀佛悲智示現龍舒居士願力
不泯吾任信心堅固所致謂佛法無靈驗西方無淨
土可乎延祐三年歲次丙辰中秋同修淨土信士奉
訓大夫前江淮等處財賦都總府副總管古壽呂師
說書於潯陽寓舍之信堂

重刊龍舒淨土文序

予嘗閱龍舒淨土文知王居士之用心普度一切兼
攝三乘而其接中下二根之功爲最多何者蓋此事
本來現成不假修證纔涉有想便落第二義而世之
人不皆上根利器也非示以起信修持之方證以現
世感應之跡則其能無所緣而發心者鮮矣此淨土
文乃修行之捷徑如肯信心受則無論根器利鈍持
習淺深現世末後均得證果誠世之所不可無者或
者以十聲念佛恐未能深入三昧觀想不純未必臨

終受用殊不知世喲皆從想生遂成幻有何况專修
淨土者終身禮拜注念而不能隨意往生必無是理
也惟直截根原之士頓空諸幻者無需乎此而一切
初地學人舍是則如盲不任杖俟俛何之乎故謂居
士接中下二根之功爲最多在在處處不可無此書
也萬曆二年歲次甲戌仲秋吉日紫雲山人宗門後
學操守經書

佛祖因緣

鼓音王經云過去久遠劫中有國名妙喜王名憍尸
迦祖父清泰國王父月上轉輪王母殊勝妙顏皇后
生三子長日月明次日憍尸迦三日帝衆時有一佛
出世號世自在王如來憍尸迦棄舍國位投佛出家
名曰法藏比丘恭對如來發四十八種廣大行願普
度十方一切衆生若一願不滿者誓不作佛是時諸
天散華大地震動空中讚言決定成佛號阿彌陀
悲華經云往昔劫中有轉輪王名無諍念大臣寶海

爲善知識同于寶藏佛所發願輪王云我作佛時在於清淨安樂世界攝受一切衆生大臣云我作佛時在於五濁苦惱世界度脫一切衆生無諍念王者阿彌陀佛是也寶海大臣者釋迦牟尼佛是也似此君臣道合名爲攝折二門是故阿彌陀佛在彼淨土接引衆生釋迦牟尼佛在此娑婆教化衆生

柔軟自墮者宜以攝受法門化之如說安養功德莊嚴等剛強自是者宜以折伏法門度之如說娑婆苦難昇沉等

菩薩因緣

悲華經又云爾時寶藏如來復告第一不聊太子轉輪王之子今當號汝爲觀世音無量壽佛般涅槃此云入寂滅後當成佛道號普光功德山如來又告第二尼摩太子次當作佛號善住功德寶王如來汝以願力取清淨土復號汝爲大勢至

大阿彌陀經云佛言彼佛即阿彌陀至般泥洹即涅槃時觀

世音菩薩乃當作佛掌握化權教化度脫十方世界諸天人民以至蜎飛蠕動之類皆令得泥洹之道轉

相教化度脫一如大師阿彌陀佛無有窮極徃往無央數劫乃般泥洹其次大勢至作佛掌握化權教化度脫一如阿彌陀佛經歷劫數永無般泥洹時

淨土原始

宋國學進士王龍舒先生著

後學俞行敏惠公甫重輯

經言西方淨土以七寶莊嚴常清淨自然無一切穢雜故名淨土其人皆蓮華中生長生不老其景序常春無復寒暑大受快樂無一切苦惱故名極樂世界其佛梵語名阿彌陀者此云無量以我佛光明照見十方世界無有限量凡念佛衆生無不知之故又名無量光佛我佛壽命與其國中人民壽命皆無有限

量雖恒河沙劫亦無有盡故又名無量壽佛我佛有大誓願誓願見後度人其威神不可思議故至心信向念其名號者西方七寶池中卽生蓮華一朵他日於其中託生直說輪廻之外更得阿鞞跋致華言不退轉歸陀經云極樂國土七重欄楯七重羅網七重行樹皆是四寶周匝圍繞又有七寶池八功德水充滿其中池底純以金沙布地四邊階道金銀琉璃玻瓈合成上有樓閣亦以金銀琉璃玳瑁磔磔赤珠碼碯而嚴飾之池中蓮華大如車輪青色青光黃色黃光赤

色赤光白色白光微妙香潔又常作天樂黃金爲地晝夜六時雨天曼陀羅華又有種種奇妙雜色之鳥白鶴孔雀鸚鵡舍利迦陵頻伽共命之鳥是諸衆鳥晝夜六時出和雅音其音演暢五根五力七菩提分八聖道分如是等法其土衆生聞是音已皆悉念佛念法念僧是諸衆鳥非罪報所生皆是阿彌陀佛欲令法音宣流變化所作又微風吹動諸寶行樹及寶羅網出微妙音譬如百千種樂同時俱作聞是音者自然皆生念佛念法念僧之心

蓮池大師
云開時遊
了字時用

西方曼勞
叙述分明
不煩不簡
令誦者了
然心目之
間必生歡
喜勇躍欲
往

又云若善男子善女人聞說阿彌陀佛執持名號若
一日若二日若三日若四日若五日若六日若七日
一心不亂其人臨命終時阿彌陀佛與諸聖衆現在
其前是人終時心不顛倒卽得往生阿彌陀佛極樂
國土
大彌陀經云阿彌陀佛刹中皆自然七寶相間爲地
或純以一寶爲地光色照耀奇妙清淨超越十方一
切世界其國恢廓曠蕩不可窮盡地皆平正無須彌
山及金剛圍一切諸山亦無大海小海及坑坎井谷

亦無幽暗之所無地獄餓鬼畜生以至蜎飛蠕動之
類無諸龍鬼神亦無雨露惟有自然流泉亦無寒暑
氣象常春清快明麗不可具言阿彌陀佛講堂精舍
皆自然七寶相間而成復有七寶以爲樓觀欄楯復
以七寶爲之瓔珞懸飾其側復以白珠明月珠摩尼
珠爲之交絡徧覆其上殊特妙好不可勝言其餘普
薩聲聞所居官宇亦復如是被諸天及世人衣服飲
食華香瓔珞傘蓋幢幡微妙音樂隨意而現所居官
宇樓閣甃其形色高下大小或以一寶二寶乃至無

淨土全書
量衆寶悉化現而成然宮宇有隨意高大浮于空中
若雲氣者有不能隨意高大止在地上如世間者其
故非他能隨意者乃前世求道時慈心精進益作諸
善德厚所致不能隨意者乃求道時不慈心精進德
薄所致所以別進有勤情德有大小示衆見之其內
外復有自然流泉及諸池沼與自然七寶俱生有純
一寶池者其底沙亦以一寶若黃金池者底白銀沙
水晶池者底琉璃沙珊瑚池者底琥珀沙二寶爲一
池者底沙亦以二寶若三寶四寶以至七寶共爲一

池者其底亦如是此諸寶池有方四十里者有方五
六十里者展轉漸大以至方二萬四百八十里皆菩
薩聲聞諸上善人生長之所若彼佛池其方倍此是
諸池者皆八功德水湛然盈滿清淨香潔味甘露
十方無央數世界諸天人民以至喟飛喚動之類往
生阿彌陀佛刹者皆于七寶池蓮華中化生自然長
大亦無乳養皆食自然之食諸菩薩聲聞諸上善人
有時浴于其中意欲令水沒足水卽沒足欲令至膝
至腰以至於頸水亦如是欲令其水如初卽亦如初

調和冷煖無不順適開神悅體滌蕩情慮清明澄潔
瑩若無形既出浴已各生一蓮華上自然微風徐動
吹諸寶樹或作音樂或作法音吹諸寶華皆成異香
散諸菩薩聲聞之上諸菩薩聲聞有欲聞法音者有
欲聞樂音者有欲聞華香者有皆不欲聞者其欲聞
者輒獨聞之不欲聞者寂無所聞各適其意自然快
樂隨往進修有在地講經者誦經者自說經者口授
經者聽經者念經者思道者坐禪一心者經行者仍
有在虛空中講經者誦經者自說經者口授經者聽

經者念經者思道者坐禪一心者經行者其間有未
得須陀洹者因是得須陀洹未得斯陀含者因得斯
陀含未得阿那含者因得阿那含未得不退轉地菩
薩者乃得不退轉地菩薩各隨其質而有所得諸寶
池中其水轉相灌注不疾不徐波揚無量自然妙聲
或作說佛聲或作說法聲或作說僧聲或作說寂靜
聲說空無我聲說大慈悲聲說波羅蜜聲說十力無
畏不共法聲說諸通慧聲說無所作聲說不起滅聲
說無生忍聲乃至說甘露灌頂一切妙法等聲聞者

喜悅無量發清淨心無諸分別正直平等成熟善根
永不退于無上菩提于彼世界不復聞于地獄餓鬼
畜生夜叉殺生偷盜鬪諍惡口兩舌如是等一切惡
聲聞且絕無况有其實但有自然清淨之音自然快
樂之事是故其刹名曰極樂池岸上有無數栴檀香
樹吉祥果樹華果恒芳異香流布又有天優鉢羅華
鉢曇摩華拘牟頭華芬陀利華雜色光茂彌覆水上
復有七種寶樹其純一寶樹者根莖枝葉花果皆以
一寶若二寶三寶乃至七寶爲一樹者根莖枝葉花

老子云世
人所以有
大患者以
吾有身也
之所見意
者莫如天
食飽則安
食必藉性
水既澄若
珠更分兩
我此有兩
我求之弗
遂不遂所
求便生嘆
恨嗔恨既
生相七机

果亦復如是是諸寶樹種種各自異行行相並列
數百千重間以寶池亦復如是乃至周徧世界榮色
光耀不可勝視清風時發自成微妙音聲無可比者
復有種種自然妙樂而其音聲無非妙法清暢嘹亮
微妙和雅諸往生者其飯食時有欲金鉢銀鉢者有
欲水晶琉璃珊瑚瑪瑙或明月珠摩尼珠白玉紫金
等鉢者皆隨其意化現在前百味飲食克滿其中多
亦不餘少亦不缺食已自然化去再欲食時復現如
前所欲衣服隨念卽至不假裁縫壽染浣濯諸菩薩

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

誦種七類
奉之風從
茲而起心
自此日起
半邪業且
此無所不
遊矣西方
食固自然
衣亦如是
重心而然
然自足即
此已為極
聚人何為
而不修

聲聞眾其面目皆端正靜好其材性皆智慧勇健其
所欲言皆豫相知心意所存念無非道德形于談說
無非正事動合禮義穆若弟兄轉相教令欽悅承受
意皆潔清無所貪染淫泆噴怒愚痴之態盡絕無餘
樂從經道啓迪慧性通其宿命又有道場樹高一千
六百由旬四布枝葉八百由旬根入寶地五百由旬
及一切眾寶自然合成華果敷榮作無量百千殊麗
之色于其樹上或時微風徐動演出無量妙法音聲
其聲流布徧諸佛刹眾生聞者得深法忍任不退轉

六根至此
自然清淨

地無其耳病以至成就無上菩提若有眾生見此樹
者乃至成佛于其中間不生眼病聞樹香者不生鼻
病食樹果者舌亦無病樹光照者身亦無病觀想樹
者心得清涼遠離貪等煩惱之病皆得甚深法忍任
不退轉地復有無量寶網彌覆其刹又有自然德風
徐動不寒不暑溫柔 and 輒不疾不遲吹諸寶網及諸
寶樹演發無量微妙法音流布萬種清雅德香其有
聞者塵勞垢息自然不生風觸其身自然快樂其間
欲作佛者即令修菩薩行以至成佛既成佛已其有

宿願度生則以弘誓功德入他方生死界中作獅子
吼說法度脫爾時阿彌陀佛以威神力令彼教化一
切衆生度脫十方無央數諸天人民以至蜎飛蠕動
之類往生其刹者不可勝數作聲聞得泥洹道者亦
不可勝數作菩薩以至成佛者亦不可勝數如是寶
刹皆阿彌陀佛願力無邊威神廣大功德圓滿自然
化現無窮無極不可思議晝夜一劫說不能盡今爲
汝等畧言之耳十方世界諸天人民有至心欲生阿
彌陀佛刹者別有三輩其上輩生者捨家棄欲而作

沙門心無貪慕持守經戒行六波羅蜜修菩薩業一
向專念阿彌陀佛修諸功德是人則于夢中見佛及
諸菩薩聲聞其命欲終時佛與聖衆悉來迎致卽于
七寶水池蓮華上化生爲不退轉地菩薩所居七寶
宮宇在于空中去佛所爲近其中輩生者雖不能往
作沙門大修功德常信受佛誨發無上菩提之心專
向念佛隨力修善奉持齋戒起立塔像飯食沙門懸
繒然燈散華燒香以此回向願生其刹命欲終時佛
亦化現其身與諸大衆在其人前卽隨往生亦在不

退轉地次于上輩生者其下輩生者不能作諸功德
不發無上菩提之心每日十聲念佛願生其刹命欲
終時亦夢見佛遂得往生所居七寶宮宇惟在于地
去佛所爲遠若不能大精進禪定盡持經戒必修十
善一不殺生二不偷盜三不邪淫四不調欺五不飲
酒六不兩舌七不惡口八不妄語九不嫉妬十不貪
欲不靳吝不嗔恨不邪見篤于孝順謹于誠信信受
佛語晝夜思維阿彌陀佛是人命終心不顛倒卽得
往生永不退于無上菩提其次齋戒清淨一心常念

止一善
亦可往生
慈悲方便
至矣極矣
若猶不修
真下愚不
移斷絕善
提種子者
矣

阿彌陀佛欲生其刹十晝夜不斷絕者命終必得往
生縱不能十晝夜當絕慮去憂勿與家事勿近婦人
端身正心斷除愛欲齋戒清淨至心憶念彼佛誦持
名號止一晝夜不斷絕者勝于阿彌陀刹中爲善百
歲所以者何以彼刹中人悉爲善無毫髮之惡若此
世界中爲惡極多爲善極少能自修治其功勝彼命
終亦得往生若有善男子善女人發菩提心持諸禁
戒堅守不犯饒益衆生所作善緣悉以施與令得安
樂常憶念佛及彼刹境界是人命終往生賢聖圍繞

往生彼處
卽已成佛
所以爲捷
徑

速聞無上妙法諸往生者皆具足三十二相究竟深
入妙法要義諸根明利其初鈍根者成就二忍利根
者得不可計無生忍皆當一生遂補佛處復無三種
過失一者心無虛妄二者住不退轉三者善無唐捐
所以生于彼者有進無退直至成佛若有衆生修諸
功德願生彼刹後有悔心亦復疑惑不信有彼佛刹
不信有往生者其人雖爾續有念心暫信暫不信志
意猶豫無所專據臨命終時佛乃化現其令彼目
見口雖不能言其心卽喜乃悔不勉作諸善以悔過

信不堅者
戒之戒之

故亦生彼刹惟不能前至佛所方入其刹邊地見七
寶城卽入其中于蓮華中受身自然長大飲食亦皆
自然其快樂如忉利天人惟于城中經五百歲不得
見佛不見菩薩諸聲聞衆無由供養以此爲苦示其
小謫是故彼刹名爲胎生當知生疑惑者失大利益
世間人民前世爲善常行佛道者乃得聞阿彌陀佛
名號固非凡人若不生信心亦不信佛語者乃惡道
中來餘殃未盡愚痴不解未當解脫又于劇惡極苦
之中勤身營務以自給濟無貴賤貧富無少長男女

凡夫大病
入人患此
宜自覺

皆憂財物累念積慮爲心走使無時安息有田憂田
有宅憂宅有牛馬六畜奴婢衣食什物悉共憂之尊
貴豪富既有斯患嬰結于心若貧窮下劣常苦困乏
無田宅亦憂欲其有田宅無牛馬六畜等物亦憂欲
其皆有適有一物復缺一物適有是事復缺是事勤
苦若此休息無時不達于道德迷没于嗔怒貪恨于
貨色坐斯不得道當入苦惡趣展轉數千億劫無有
出期痛不可言極可哀愍今語汝等世間之事擇其
善者勤而行之愛欲榮華不可常保生老病死痛苦

惡露不淨無可樂者宜自決斷端身正行益作諸善
洗除心垢言行忠信表裏相應旣得自度轉相拯濟
雖現世勤苦亦須臾之間後生淨土快樂無極長與
道德合明永拔生死根本吾哀世人教誨切至正法
難聞當勤精進超生淨刹永離五趣若不信悟無益
其人大命將至悔亦何及

又云無量無數劫以前有世自在王佛出化度衆生
是時有大國王往聽說法遂有覺悟乃捨國王之位
而往修行號曰法藏比丘卽阿彌陀佛也對世自在

勝緣十念
便可往生
則目十念
推而廣之
以至百千
萬億念其
往生也必
矣猶而進
之自一念
以至時七
則七無有
不念其上
品生也必
矣

王發四十八願願願度人中一願云我作佛時十方
無央數世界衆生至心信樂欲生我國十聲念我名
號而不生者我不作佛是我佛自有誓願度人惟假
人之十念以表皈依之心故人至心信向念其名號
者現世必蒙福佑消除災障身後必往生極樂世界
若念名號時一心觀想阿彌陀佛之形像壽命終時
必見佛之真身前來接引又一願云十方無央數世
界女人聞我名號喜悅信樂發菩提心厭惡女身壽
終之後來生我刹其身不復爲女以我佛威神廣大

無所不在而人心念與佛純熟則自然感通故佛現
其身也

又云阿彌陀佛歷大阿僧祇劫行菩薩行忍力成就
不計衆苦常以和顏愛語饒益衆生善護口業不譏
他過善護身業不失律儀善護意業清淨無染口中
常出栴檀之香身諸毛孔出優鉢羅華香無量衆生
聞此香者皆發無上菩提之心手中常出一切衣服
一切飲食一切幢幡寶蓋一切音樂及一切最上所
需之物以此施惠衆生令生歡悅以行教化故致無

量無救衆生發無上菩提之心如是善行無量無邊
說不能盡歷無量無數百千萬億劫功德圓滿威神
熾盛方得成就所願而入佛位是以十方無央數世
界諸天人民以至峭飛喚動之類無所不度所以一
念皈依遂生其國皆于七寶池蓮華中化生皆受自
然清虛之身無極之壽徧彼刹中皆諸上善人無有
婦女皆壽命無央數劫皆洞視徹聽遙相瞻見遙相
聞語聲皆求善道者無復異人也

又云釋迦佛一日容顏異常侍者阿難怪而問之佛

言善哉汝所問者勝于供養一天下聲聞緣覺及布
施諸天人民以至峭飛喚動之類雖至累劫猶百千
萬倍不可以及所以者何以諸天帝王人民乃至峭
飛喚動之類皆因汝所問而得度脫之道以此觀之
是釋迦佛初欲說阿彌陀佛之時其存于心而形于
色者已異于平日則阿彌陀佛所以感諸佛者固已
非常况于感一切衆生者乎觀其初發願偈云我至
成佛時名聲超十方人天欣得聞俱來生我刹地獄
鬼畜生亦生我刹中是則凡在三界六道輪廻之內

淨土金書 十一
者無所不度可知已是以此經云阿彌陀佛現在西方極樂世界又在十方世界教化無央數諸天人民以至蜎飛蠕動之類莫不過度解脫者是其所以廣度衆生無有窮極而人一念皈依遂生其國無足疑也
又云彌勒菩薩白佛言世尊于此世界有幾何不退轉地菩薩往生阿彌陀佛刹佛言此世界有七百二十億不退轉地菩薩往生彼刹及諸小菩薩修習少功德者不可勝計不但我刹他方佛刹乃至十方無

量佛刹中其往生者甚多不可復計

又云佛言天地之間五道昭明恢廓浩渺業報相生轉相承受美惡慘毒皆自當之善人行善從樂入樂從明入明惡人行惡從苦入苦從暗入暗世人昧此惡道不絕故有自然地獄餓鬼禽獸蜎飛蠕動之類展轉其中累劫無由出離惟修淨土直得超去

無量壽經云爾時韋提希號泣白佛言世尊願爲我廣說無憂惱處我當往生不樂閻浮濁惡世也于是世尊放眉間光徧照十方世界諸佛國土皆于中現

時韋提希見已向佛言是諸佛土雖復清淨皆有光明我今惟願生極樂世界阿彌陀佛所願世世生於又云上品上生者若有衆生願生彼國者發三種心卽便往生一者至誠心二者深心三者廻向發願心復有三種衆生當得往生一者慈心不殺具諸戒行二者讀誦大乘方等經典三者修行六念廻向發願願生彼國具此功德一日乃至七日卽得往生彼國時此人精進勇猛故阿彌陀如來與觀世音大勢至無數化佛百千比丘聲聞大衆無量諸天觀世音

菩薩執金剛臺與大勢至菩薩至行者前阿彌陀佛放大光明照行者身與諸菩薩授手迎接行者見已歡喜踴躍自見其身乘金剛臺隨從佛後如彈指頃往生彼國見佛菩薩色身衆相具足演說妙法聞已卽悟無生法忍經須臾間歷侍諸佛徧十方界於諸佛前次第授記還至本國得無量百千陀羅尼門上品中生者不必讀誦方等經典善解義趣于第一義深信因果不謗大乘以此功德廻向求生極樂命欲終時阿彌陀佛與觀音勢至無量大衆眷屬圍繞

持金剛臺至行者前讚言法子汝行大乘解第一義
是故我今來迎接汝與千化佛一時授手行者自見
坐紫金臺如一念頃卽生彼國七寶池中此紫金臺
如大寶華經宿則開佛及菩薩俱時放光照行者身
目卽開明卽下金臺禮佛合掌經于七日應時卽于
阿耨多羅三藐三菩提得不退轉應時卽能飛行徧
至十方歷侍諸佛修諸三昧經一小劫得無生忍
上品下生者不信因果不謗大乘但發無上道心以
此功德廻向求生極樂國命欲終時阿彌陀佛及觀

淨土全書

卷五

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

音勢至與諸眷屬持金蓮華化作五百佛來迎此人
五百化佛一時授手讚言法子汝今清淨發無上道
心我來迎汝卽自見身坐金蓮華坐已華合隨世尊
後卽得往生七寶池中一日一夜蓮華乃開七日之
中乃得見佛雖見佛身于衆好相心不明了三七日
後乃了了見遊歷十方供養諸佛于諸佛前聞甚深
法經三小劫得百法明門任歡喜地
上品上生者若有衆生受持五戒不造五逆無衆過
患以此善根廻向求生極樂世界臨命終時阿彌陀

淨土全書 上卷

佛與諸眷屬圍繞放金光色至其所演說苦空無常無我讚歎出家得離衆苦行者見已心大歡喜自見已身生蓮華臺踰跪合掌爲佛作禮未舉頭頃卽得往生極樂世界蓮華尋開當華敷時聞衆音聲讚歎四諦應時卽得阿羅漢道三明六通具八解脫中品中生者若有衆生若一日一夜受持八齋戒一日一夜持沙彌戒一日一夜持具足戒威儀無缺以此功德迴向求生極樂國命欲終時見阿彌陀佛與諸眷屬放金光色持七寶蓮華至行者前行者自聞

空中有聲讚言善男子如汝善人隨順三世諸佛教法我來迎汝行者自見坐蓮華上蓮華卽合生于極樂世界在寶池中經于七日蓮華乃敷開目合掌讚歎世尊聞法歡喜得須陀洹經半劫已成阿羅漢中品下生者若有善男子善女人孝養父母行世仁慈命欲終時遇善知識爲其廣說阿彌陀佛國土樂事亦說法藏比丘四十八願聞此事已尋卽命終譬如壯士屈申臂頃卽生極樂世界生經七日遇觀音勢至聞法歡喜過一小劫成阿羅漢

清土金書
下品生者
乃造賢愚
人誠不足
法雖然此
等愚痴特
甚至死不
悔有能臨
終忽有聽
信善言哭
爲亦有我
仰菩薩悲
願無邊焉
能不度

下品上生者或有衆生作衆惡業雖不誹謗方等經
典如此愚人多造惡業無有慚愧命欲終時遇善知
識爲說大乘十二部經首題名字以聞如是諸經名
故除却千劫極重惡業智者復教合掌叉手稱南無
阿彌陀佛稱佛名故除五十億劫生死之罪爾時彼
佛卽遣化佛化觀音勢至至行者前讚言善男子汝
稱佛名故諸罪消滅我來迎汝行者卽見化佛光明
徧滿其室卽便命終乘寶蓮華隨化佛後生寶池中
經七七日蓮華乃敷當華敷時大悲觀世音菩薩放

大光明住其人前爲說甚深十二部經聞已信解發
無上道心經十小劫具百法明門得入初地

下品中生者或有衆生毀犯五戒八戒及具足戒偷
僧祇物盜現前僧物不淨說法無有慚愧以諸惡業
而自莊嚴如此罪人以惡業故應墮地獄命欲終時
地獄衆火一時俱至遇善知識以大慈悲爲說阿彌
陀佛十力威德廣讚彼佛光明神力亦讚戒定慧解
脫知見此人聞已除八十億劫生死之罪地獄猛火
化爲清涼風吹諸天華華上皆有化佛菩薩迎接此

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

念佛一聲
滅八十億

劫重罪至
必故也非

匪至心罪
則不滅淨

者應知

念阿彌陀
真念無量
壽阿具而
善友知是

人如一念頃即得往生七寶池蓮華內經于六劫蓮華乃救觀音勢至以梵音聲安慰彼人為說大乘甚深經典聞此法已應時即發無上道心

下品下生者或有衆生作不善業五逆十惡具諸不善如此愚人以惡業故應墮惡道經歷多劫受苦無窮如此愚人臨命終時遇善知識種種安慰為說妙法教令念佛此人苦逼不遑念佛善友告言汝若不能念者應稱無量壽佛如是至心令聲不絕具足十念稱南無阿彌陀佛稱佛名故于念念中除八十億

教之良由
此人愚迷

之極即至
欲命終時

稍急不暇
念佛欲別

指一端以
誘之使念

如斯惟巧
何善知之

劫生死之罪命終之時見金蓮華猶如日輪任其人前如一念頃即得往生極樂世界于蓮華中滿十二大劫蓮華方開觀音勢至以大悲音聲為其廣說諸法實相除滅罪法聞已歡喜應時即發菩提之心大悲經云佛言我滅度後北天竺國有比丘名祇婆迦修習無量種種寂勝菩提善根已而命終生于西方過百千億世界無量壽國于彼佛所種諸善根後當作佛號無垢光

菩薩生地經云佛言時摩差竭得不起法忍五百清

信士二十五清信女皆得不退轉地壽終俱生無量
壽佛清淨國

淨土傳云阿彌陀佛與觀世音大勢至二菩薩悲憫
衆生乘大願船泛生死海就此娑婆世界呼引衆生
上大願船送至西方若信心實往雖有罪惡亦必得
生彼土經云佛能度一切衆生不能度一切不信之
人蓋信者一念也身壞時惟一念而已一念到處則
無不到况佛與菩薩又招引人往生乎
華嚴行願品云是人臨命終時最後剎那一切諸根

修淨土者
必須發願

悉皆散壞一切親屬悉皆捨離一切威勢悉皆退失
乃至象馬車乘珍寶一切無復相隨惟此願王不相
捨離於一切時引導其前一剎那中卽得往生極樂
世界是故汝等聞此願王莫生疑念應當諦受
藥王菩薩本事品云聞是經典如說修行於此命終
卽往安樂世界阿彌陀佛大菩薩衆圍繞住處生蓮
華中寶座之上
法華經云若人散亂心入於塔廟中一稱南無佛皆
已成佛道

大智度論云佛是無上法王諸大菩薩以爲法臣諸
臣所尊重者惟佛法王也有諸菩薩自念往昔謗般
若墮惡道受無量苦復經無量劫來雖修餘行不能
得出苦海後遇善知識教念阿彌陀佛卽得除滅罪
障起生淨土我今應當禮謝阿彌陀佛何以故父母
親友人天王等不能度我出離苦海惟阿彌陀佛願
力攝受是以得出苦海偈云若人願作佛心念阿彌
陀卽得爲現身故我歸命禮

無爲楊傑次公少登高科明禪門宗旨謂衆生根有

入往途者
不可不知

利鈍卽其近而易知簡而易行者唯西方淨土但一
心觀念仗佛願力直生安養卽淨土故華嚴經載解脫
長者子云知一切佛猶如影像自心如冰我若欲見
安樂世界阿彌陀如來隨意卽見是知衆生念念定
見阿彌陀佛若生彼土則無衆苦般舟三昧經云跋
陀和菩薩問釋迦佛云未來衆生云何得見十方諸
佛佛教令念阿彌陀佛卽見十方一切諸佛又大寶
積經云若他方衆生聞無量壽如來名號乃至能發
一念淨信歡喜愛樂所有善根廻向願生其國者隨

願往生得不退轉此皆佛言也不信佛言何言可信
不生淨土何土可生蘇東坡云次公晚年作監司太
守畫丈六阿彌陀佛像隨行供養觀念至壽終時感
佛來迎端坐而化其辭世頌曰生亦無可戀死亦無
可捨太虛空中之乎者也將錯就錯西方極樂

釋迦佛在世時有翁婆二人用穀一斗記數念阿彌
陀佛願生西方佛云我別有方法令汝念佛一聲得
多穀之數乃教以念西方極樂世界三十六萬億一
十一萬九千五百同名同號阿彌陀佛

此實王論嘗以稱

穀校之一合千八百粒此數乃二千石之數佛自以
此教二老人則其功德甚大可知矣

真言字本非佛國字乃譯經者所用人以其字難識而不讀佛初說時止有音聲今存其聲音用易識之字代之又世間點句多差今用藏經兩處點句一同更不須疑誦此呪者阿彌陀佛常在其頂不令冤家爲害現世安穩命終任意往生若滿二十萬遍卽菩提芽生三十萬遍不久面見阿彌陀佛今依藏經點句載覽

南謨阿彌多婆夜哆 拖伽哆 夜哆隸 夜哆阿

嚩里 都婆毘 阿彌里哆 悉眈婆毘 阿彌里

哆 毘加蘭帝 阿彌里哆 毘加蘭哆 加彌膩

淨土金書
伽伽那 正修加喇 娑婆詞

淨土起信

王龍舒云予徧覽藏經及諸傳記取其意爲淨
土文無一字無所本幸勿以人微而忽其說欲
人人共曉故其言直而不文

淨土之說多見于日用之間而其餘功乃見于身後
不知者止以爲身後之事而已殊不知其大有益于
生前也何則佛之所以訓人者無非善與儒教之所
以訓人何以異哉故其以淨土爲心則見于日用之
間者意之所念口之所言身之所爲無適而非善善

則爲君子爲大賢現世則人敬之神祐之福祿可增
壽命可永庸人稍知佛理者世必目之爲善人此其
效也由是言之則從佛之言而以淨土爲心者孰謂
無益于生前乎或曰從孔子之言而以儒教爲心豈
不益于生前何必淨土哉曰此世間法耳非出世間
法世間法則不出于輪迴出世間法則直脫輪迴之
外淨土旣益于生前又益于身後者以其兼世間出
世間法故也

常離前篇所言是也論其跡則見于三時一茶之頃
而不必終日泥十念法門是也蓋修持法門有九品
人人皆可以修雖罪惡之人佛亦不棄迴心向善卽
爲善故雖屠宰之人放下屠刀亦可以修所以修者
不難亦不妨一切俗事故在官不妨職業在士不妨
修讀在商賈不妨販賣在農人不妨耕種在公門不
妨事上在僧徒不妨參禪凡一切所爲皆不相妨故
曰其修持工夫見于三時一茶之頃耳遂可以爲萬
萬劫不壞之資用力甚易而收功甚大人何爲而不

方便正
然惡弊矣
誘掖勸美
人亦何不
自深離

淨土金書
三
修乎及此不修可痛惜哉可痛惜哉
人驟聞淨土之景象多不信之無足怪也蓋處此娑
婆濁世惟知生長于胞胎不知彼有蓮華之化生壽
不過百年不知彼有河沙之壽數衣食必由于營作
不知彼有自然之衣食快樂常雜于憂惱不知彼有
純一之快樂遂將佛之所言等于幻妄而不之信殊
不思佛切戒人以妄語必不自妄語以誑人其言可
信無足疑者故先賢云佛言不信何言可信况自古
及今修此者感應甚多猶不可以不信者也

世有專于參禪者云惟心淨土豈復更有淨土自性
阿彌不必更見阿彌此言似是而非也何則西方淨
土有理有跡論其理則能淨其心故一切皆淨誠爲
惟心淨土矣論其跡則實有極樂世界佛丁寧詳復
言之豈妄語哉人人可以成佛所謂自性阿彌者固
不妄矣然粹未能至此譬如良材可以雕刻物像而
極其華麗必加以雕刻之功然後能成不可遽指良
材而遂謂極物像之華麗也又或信有淨土而泥惟
心之說謂現前卽是西方不足生者謂參禪悟性超

佛越祖阿彌不足見者皆失之矣何則此言甚高竊
恐不易到彼西方淨土無貪無戀無嗔無痴吾心能
無貪戀無嗔痴乎彼西方淨土思衣得衣食得食
欲靜則靜欲去則去吾思衣而無衣則寒惱其心思
食而無食則饑惱其心欲靜而不得靜則羣動惱其
心欲去而不得去則繫累惱其心是所謂惟心淨土
者誠不易到也彼阿彌陀佛福重山海力擎天地變
地獄爲蓮華易于反掌觀無盡之世界如在目前吾
之福力尚不能自爲常恐宿業深重墜于地獄况乃

變作蓮華隔壁之事猶不能知况乃見無盡世界乎
是所課自性阿彌者誠不易到也然則吾心可以爲
淨土而猝未能爲淨土吾性可以爲阿彌而猝未能
爲阿彌烏得忽淨土而不修捨阿彌而不欲見乎故
修西方見佛而得道則甚易若止在此世界欲參禪
悟性超佛越祖爲甚難况修淨土者不礙于參禪何
參禪者必薄淨土而不修也大阿彌陀經云十方有
無量菩薩往生阿彌陀佛國彼菩薩尚欲往生我何
人哉不欲生彼是果勝于諸菩薩乎不仰藉阿彌陀

諸等云若
人尊善著
南無阿彌
陀淨六字
精修淨土
如把藕絲
洗濯萬業
一失決定
得生極樂
世界切勿
疑西日慧
自來

佛慈力往生彼國又果勝于阿彌陀佛乎由此言之
惟心淨土自性阿彌者高而寡效修未到者誤人多
矣不若腳踏實地持誦修行則人人必生淨土徑脫
輪廻與虛言無實者天地相遠矣

淨土或問云今禪者見修淨土鄙之爲愚夫愚婦此
非鄙愚夫愚婦也乃鄙文殊普賢馬鳴龍樹也何以
故觀佛三昧經文殊菩薩偈云願我命終時滅除諸
障礙而見彌陀佛往生安樂刹華嚴行願品普賢菩
薩偈云願我臨欲命終時盡除一切諸障礙面見彼

佛阿彌陀卽得往生安樂刹起信論馬鳴菩薩示最
勝方便謂專意念佛卽得往生終無有退楞伽經佛
告大慧大名德比丘厥號爲龍樹初得歡喜地往生
安樂國以上畧舉四大菩薩其餘菩薩修淨土者不
可勝紀下劣凡夫焉得忽淨土而不修

由叅悟成
佛者自明
而誠也由
往生成佛
者自誠而
明也豈得
目爲顛

叅禪一法固爲了悟生死而設修淨土一法亦是令
衆生了悟生死也叅禪有省則現世了悟生死得生
淨土則見阿彌陀佛而後了悟生死况卽證無生忍
居不退轉地直至成佛而後已大善知識未嘗不以

此教人初機叅學人何爲薄淨土而不修乎
蓮宗寶鑑云世人稍利根便輕視念佛謂是愚夫愚
婦勾當彼徒見愚夫愚婦口誦佛名心遊千里不知
此等是名讀佛非念佛也念從心心思憶而不忘故
名曰念然人之一心不思正則思邪不思理則思欲
今人念念思憶五欲不覺其非反以念佛爲非不亦
惑之甚哉

人有不信因果從而不信淨土者夫因果身可以不
信乎要知前世因今生受者是要知後世果今生作

者是若不信此語何不以目前之事觀之人生所以
有富貴貧賤有苦樂勞逸有榮辱壽夭其禍福種種
不同雖曰天命天豈私于人哉蓋以其人前生所爲
有善惡故今生受報有禍福是以此身謂之報身報
身者報我前生所爲故生此身也以其前生所爲不
能純乎善故今生亦不得純受其福報有富貴而苦
天者有貧賤而壽樂者有榮寵而悴辱者如影隨形
如響應聲纖毫不差故云種桃得桃種李得李惟種
時少收穫時多故作善惡時甚小受禍福之報甚大

淨土全書
故云春種一粒粟秋收萬顆子人生爲善惡果報還
如此蓋造化自然之理也此理可信則淨土之說必
可信何則二者皆佛言也佛誠言于因果必不妄言
于淨土故因不信因果從而不信淨土者此可以解
其惑矣

或者疑云此間念佛西方七寶池中如何便生蓮華
一朵曰此不難知也譬如大明鏡凡有物來便現其
影鏡何嘗容心哉以其明而自然耳阿彌陀佛頂中
光明清淨圓滿自然照見十方世界是故此間念佛

西方七寶池自然生蓮華一朵無足疑也或又疑念
往生真言者阿彌陀佛常住其頂若無量世界衆生
念此真言阿彌陀佛豈能一一徧住其頂乎曰亦自
然耳譬如天上一月普現一切水中豈不自然哉

人生時父母妻子屋宅田園牛羊車馬以至禮凳器
皿衣服及細微帶索等物不問大小色色認爲己物
倉庫旣盈心猶未足金珠已多營循未止舉眼動步
無非愛着一宿在外已念其家一僕未歸已憂其失
種種事務無非掛懷一旦大限到來盡皆拋去雖我

此身猶是棄物况身外者乎靜心思之恍如一夢古
人有言一日無常到方知夢裏人萬般將不去惟有
業隨身妙哉此言也予故用其後二句續成一偈云
萬般將不去惟有業隨身但念阿彌陀定生極樂國
蓋業者謂善業惡業此皆將得去者豈可不以淨土
爲業乎

昔佛問阿難云汝欲見地獄人否阿難云欲見佛云
身行惡口言惡意念惡此地獄人也蓋謂人生善惡
不過身口意三業若三業俱惡是爲純黑業所以入

地獄若三業俱善則爲純白業乃生天堂若三業中
有一業善則爲雜業亦不入地獄故身意雖惡而口
念佛名亦一業善遠勝于三業俱惡况口念佛時又
能心想佛像則意業善端正其身而手提數珠則身
業善常能善此三業以修淨土必上品生或曰人誦
佛名連稱不絕正如呼一人類呼不止其人必怒則
是專誦佛名者未足爲善也是不然衆生自無始以
來口業過惡積如山海多誦佛名以滌蕩之猶懼不
足豈可以稱呼常人之名爲比也况佛自開此念誦

法門所以誘掖衆生善其口業以漸善其身意者至矣其謂專誦佛名未足爲善者世俗愚昧之說非諸佛誘掖衆生之言何足齒焉
據佛所言口業果報多于身意二業以發意則未必形于外出口則遂見矣舉身爲惡猶有時艱阻不若口之易發也且如人有一言稱人或勸人其人終身受賜有福及子孫者一言陷人或唆人其人終身受害有累及子孫者口業豈不重哉
全持齋戒又禮佛念佛誦大乘經典解第一義以

此廻向願生西方必上品上生所謂齋者何哉不食肉不飲酒不淫慾不食五辛所謂戒者何哉殺生偷盜邪淫是謂身三業妄言綺語兩舌惡口是謂口四業貪慾瞋恨邪見是謂意三業總爲十戒若修淨土者全持十戒加以如上文所言功德固上品上生矣若止持五戒而修淨土亦不失中品下生或下品上生也若又不能持五戒豈可以不戒殺生平殺生爲五戒之首亦爲十戒之首亦爲比丘二百五十戒之首是不殺則爲大善殺則爲大惡故殺生不可不戒

淨土全書
也凡殺生以資口腹則口腹之欲何厭放箸之後滋味已空而殺業具在若殺生以待賓賓則以平日不殺亦無過責况其罪已自當之經云來而獨自來去而獨自去輪迴獨自行果報獨自受觀此則豈可爲人而殺生也若殺生以祭先祖豈無素食清羞孔子雖疏食菜羹瓜祭必齋如也如是何有不可哉若然香齋經仗佛力以爲薦拔自得超生故亦不在殺生也若止能持此不殺之一戒以修淨土已不在下品生矣

楞伽經云有無量因緣不當食肉衆生肉本非所宜食以耳聞目見慣熟不知其非如能斷去固爲上如不能斷且食三淨肉而減省所謂不見殺不聞殺不爲已殺是也如食兼味且去其一如兩塗皆肉且一塗以素人生祿料有數若此自可延壽更當爲此衆生念誦資薦庶可釋冤滅罪據閻羅王吉鄭鄰之言則至誠爲彼念佛必得超度往生

觀音感應記云饒州軍興鄭鄰

誤追至陰府放還閻王告云汝還人間勉力爲善汝見人殺生但念阿彌陀佛與觀世音菩薩得受生汝亦得福由此推之足以見念阿彌陀佛誠可薦拔亡者增延福壽不獨身後生西方也

還憂爲人
不可不知

下品下生者乃臨終地獄形相已現能至心十念南
無阿彌陀佛則變地獄爲蓮華亦生淨土良由我佛
慈悲至深威力至大故能如此然所謂十念者乃生
前自己十聲念阿彌陀佛非身後倩人念也生前自
念者臨命終時佛與菩薩自來迎接故亦必生淨土
或云平生殺害衆生苦虐人民臨死念佛便得往生
其所殺所苦之衆生懷冤負枉何時而可解乎答云
生淨土得道之後然後度脫一切冤親豈不勝于冤
冤相報彼此無出期者乎

蓮宗實鑑云惡人必不回心念佛其有念佛者僞也
非真念也若真能一心念佛卽取捨於臨終之十念
亦必往生况善人一心念佛而不生西方者乎我
輩旣修淨土止愁不到一心不亂田地若一心不亂
任他千譏萬謗當巍巍不動如泰山矣更何疑哉
淨土指歸云欲了生死修行淨業當發十種信心念
念不忘決生淨土一信佛所說法金口誠言真實不
虛二信凡夫在迷識神不滅六趣循環不息三信此
土修行未得道果不免輪迴四信未出輪迴雖生六

淨土金書
三十一
上不免墮落五信極樂世界衆生者永無退轉六
信衆生發願願生淨土決定往生七信一稱佛名能
滅八十億劫生死重罪八信念佛之人阿彌陀佛神
通光明攝取不捨九信念佛之人十方世界恒沙諸
佛同以神力時常護念十信既生淨土壽命無量一
生當得無上菩提于此十種不能深信生疑惑者雖
念佛不得往生又有一種常情謂念佛乃老年事方
當少壯未暇及此一旦無常措手弗及嗚莫待老來
方念佛孤墳多是少年人今爲再設方便當少壯時

不知

卽須信向每日早晨盥漱畢虔心面西止用十念工
夫專精念佛十聲卽廻向云願我臨命終時往生西
方極樂世界持至半老加功精進亦必往生

是書廻原本龍舒推廣至教以補法實之所未
備凡我善信得是書者切宜仰體

佛祖弘慈公諸同志轉相勸諭萬弗束之高閣
及等閒委棄沉埋法寶慢褻聖賢罪莫可逭戒
之戒之如有遠方善信欲廣其傳捐貲重刻流
播十方功德無量決定往生勉之勉之



淨土定式

每日早中晚三時焚香合掌向西頂禮兩目上視

微視慈顏先念

南謨本師釋迦牟尼佛一拜

南謨西方極樂世界阿彌陀佛一拜

南謨大悲觀世音菩薩一拜

南謨大勢至菩薩一拜

南謨一切菩薩聲聞諸上善人一拜

拜畢復合掌頂禮觀想己身在蓮華內仰對

修習
有九則
則攝備
一切故
避

阿彌陀佛丈六金身在大蓮華金臺上兩眉中間向
上有白毫一條八稜中空之像隨念

南謨阿彌陀佛十聲

又觀想

觀世音菩薩丈六金身在大蓮華內垂手接引隨念
南謨觀世音菩薩十聲

又觀想

大勢至菩薩丈六金身在大蓮華內隨念

南謨大勢至菩薩十聲

又觀想徧界

菩薩衆俱在蓮華內隨念

南謨一切菩薩聲聞諸上善人十聲

復頂禮念

大悲菩薩讚

佛懺罪迴向發願偈一篇

十方三世佛阿彌陀第一九品度衆生威德無窮極
我今大皈依懺悔三業罪凡有諸福善至心用迴向
願同念佛人感應隨時現臨終西方境分明在目前
見聞皆精進共生極樂國見佛了生死如佛度一切
念畢迴向云弟子某虔誦聖號專求臨命終時伏
佛菩薩慈悲接引往生西方極樂世界一拜隨觀
想已身在蓮華內直達西方親見我

八百始劫
以來眷屬
伴侶不可
億計所殺
所食亦不
可億計故
以此以
普濟以
完對庶
海而顯
知淨霄
年自然
修淨
頓母

佛菩薩良久又念

南謨西方極樂世界三十六萬億一十一萬九千五

百同名同號阿彌陀佛七徧畢

廻向云弟子某虔誦聖號專為超度此南閩浮提

今生宿世祖宗父母伯叔兄弟子孫妻女宗親外

戚僕從使女師徒朋友恩主冤家已相識未相識

乃至所殺所食為絲為縷之衆生盡生極樂世界

一拜 又念

大悲呪七徧 往生呪七徧畢

廻向云願我今生臨命終時仗此三神呪力往生

西方極樂世界隨觀想已身在蓮華內直達西方

親見我

佛菩薩良久功畢餘功誦彌陀經一卷念佛千聲或

五百聲或三百聲隨力念之不拘多寡每日如此

專志修持其往生品地必高

舊法早中晚三時修習者為通緇素而定也若出

家者無事擾心應當六時禮誦若在家者世事稍

暇亦須三時禮誦再或冗忙只早晚亦可如萬難

脫身早晨一時斷不可缺

凡念佛者有默持有高聲持有金剛持然高聲覺太費力默念又恐昏沉只是綿綿密密聲在唇齒之間乃謂之金剛持三者隨其意之所之不必執定久久自有利益今之念佛者只是隨口叫喊所以不得利益必須句句出口入耳聲聲喚醒自心則自有得力處矣

若有女人及愚鈍人不能多記者只用前段十念工夫亦不能誦大悲咒只誦往生咒或二十一

修編或四十九遍亦可不能誦彌陀經只隨力念佛

亦可總之用工不拘多寡只在信向不輟亦必往

生在陀佛真色金身在西方七寶池中大通草上

世自有得力處矣

亦可憐之風工不勝寒寒只亦許向不勝亦必其
詠短四十六餘亦可不非情願到聲只盡八念

修持要約

平時齋戒潔已清心靜慮面西安坐閉目默然觀想
阿彌陀佛真色金身在西方七寶池中大蓮華上坐
其身長丈六兩眉中間向上有白毫一條八稜中空
光明照耀金色面與金色身更不得妄有分毫他念
當令閉眼開眼悉皆見之如此久久念心純熟自然
感應見佛金身此法最爲上等蓋心想佛時此心卽
是佛又勝于口念也身後必上品上生

更于行住坐臥著衣喫飯一切時中默默舉念南無

即此便是
語類

阿彌陀佛卽返觀自照這念佛求生淨土的是誰良
久又念如是參究工夫勿令間斷忽然親見彌陀盡
大地是個西方淨土
蓮宗寶鑑云修淨土人凡欲入觀正念西向一心觀
想阿彌陀佛而坐或欲行持一心觀想阿彌陀佛而
行或欲睡時一心觀想阿彌陀佛而臥功深力久或
于正觀念時卽得見之或于睡夢中見之但辦至誠
必如所願

觀經云觀想阿彌陀佛身相光明如百千萬億閻浮

檀金色

閻浮檀金者極大極美之金也

佛身高六十萬億那由他恒

河沙由旬

那由他者萬億也由旬者十六里也

眉間白毫如五須彌山

佛眼如四大海水清白分明以無緣慈攝取衆生兼
觀想觀世音菩薩身長八十萬億那由他由旬身紫

金色手掌作五百億雜蓮華色有八萬四千光其光

柔軟以此寶手接引衆生次觀想大勢至菩薩身長

八十萬億那由他由旬舉身光明作紫金色有緣衆

生皆得悉見隨想已身亦在七寶池蓮華內結跏趺

坐見佛菩薩并見諸佛蓮華滿虛空界如此觀想善

根愈大倘或未能且想丈六小像亦可
大悲懺文云觀世音菩薩常白佛言若諸衆生受持
大悲神呪不生諸佛國者我誓不成正覺是菩薩全
以悲願度人大勢至菩薩以念佛證無生忍究其因
地純于念佛上用工念念無間打成一片蓋佛者心
也念佛念心心不二佛佛皆然一念貫通是真淨
土念佛之旨大畧如斯遠公祖師得是三昧以示百
二十二人及十八大賢同修同證思專想寂以至究
竟

六祖讚云念此一句阿彌陀佛是萬世出世之妙道
成佛作祖之正因此句是三界人天之眼目明心見
性之慧燈此句是十方虛空之無際廣大一性之圓
明此句是五千大藏之骨髓八萬總持之要門此句
是渡苦海之舟筏最尊最上之法門所有四衆弟子
若要心性明閉時時念想彌陀名號念滿成功徑往
西方極樂世界面見彼佛親承授記因誓曰我若妄
語誑衆生自遭拔舌塵沙劫

求明壽禪師四棟料云有禪無淨土十人九錯路陰

淨土金書 卷二
二二
境若現前皆爾隨他去無禪有淨土萬修萬人去但
得見彌陀何愁不開悟有禪有淨土猶如帶角虎現
世爲人師當來作佛祖無禪無淨土鐵床并銅柱萬
劫與千生沒個人依怙

靈芝法師云博地凡夫惑業纏縛流轉五道百千萬
劫受諸苦惱忽聞淨土志願求生一日稱名卽超彼
國若人肯念阿彌陀佛超迺一切善根何則雖修一
切福業若無正信求生淨土皆爲小善根也若念阿
彌陀佛發願求生淨土是爲大善根也

居官者若
存此心自
有法外之
仁矣

楞嚴經云若衆生心憶佛念佛現前當來必定見佛
如染香人身有香氣如此繫心任運常遮一切惡念
設欲作惡心當下更惡不能成如身有香自然離臭
又復覺心微起惡念卽便憶佛以佛力故惡念自息
又若覺他受苦時以念佛心憐憫于彼願其離苦若
斷刑獄以念佛故生憫念心雖依王法當密作願云
我行王法非我本心願生淨土誓相救濟
凡修淨土須是自信自行自辨工夫努力向前灼然
要敵他生死始得若也半信半疑如何出得輪迴若

是信得及便從今日發大勇猛大精進莫間會與不
會但只執持一句南無阿彌陀佛如靠一座須彌山
相似搖撼不動專其心一其意或參念或觀念或十
念或臆念或默念或禮念念茲在茲朝也念暮也念
行也念坐也念日日時時不要放捨工夫如此把得
定做得主縱遇苦樂順逆境界現前只是念阿彌陀
佛無一念退惰心決定要生西方極樂世界臨命終
時定生上品其或力量未克應須隨力修習朝昏禮
念縱使家緣冗繁無忘十念稱名猛着精彩積功累

行誓畢此生同登淨域方爲了事要知此事決定不
在廣設道場多點香燭上決定不在有傳有授扭捏
做作上決定不在會說會道廣化人緣上此等之人
所謂着事相而疎正理順聲色而背真宗數他寶而
已無半錢者也須是以念佛爲正行而兼修福德諸
惡莫作衆善奉行所修一切善根悉皆回向願生淨
土自然善果圓成

有行有願直入無爲此乃佛祖修淨業之本也今人
皈依佛會或爲痲苦或爲報親或爲消災祈福或爲

佛云五言
如客中遊
皆謂天
喜持呪者
見陀羅尼
所說功德
能身山海
役鬼神濟
種七求願
則蹶然而
信見淨土
所說功德
能更入聖
階立起三
界動搖不
介意吾弟
知之矣

修積來生皆是了還心願只求富貴榮華誇耀塵世
罕有為自己生死發願念佛往生淨土者如此妄想
不合佛祖本願縱使一生修誦錯用工夫臨終不得
往生凡曰作福盡屬有為乃世間有漏之因非出世
無為之道修行佛子宜善思維一念回光願捨娑婆
往生淨土譬如游子久客他鄉復歸故里
凡念佛人塵根未淨惡念起時須自檢點或有慳貪
心嗔恨心癡愛心嫉妬心欺誑心吾我心貢高心誦
曲心邪見心輕慢心能所心及諸隨染所生一切不

善之心設或起時急須高聲念佛歛念歸正直下打
併淨盡勿令相續所有深信心至誠心慈悲心謙下
心平等心方便心忍辱心持戒心喜捨心禪定心精
進心菩提心及一切善心常常守護但能依法修持
是為淨土正行

初學對治昏散之法數息最要凡欲坐時先想已身
在圓光中默觀鼻端想出入息每一息默念南無阿
彌陀佛一聲方便調息不緩不急心息相依隨其出
入勿令間斷行住坐臥常自密密行持久久純熟忽

淨土全書
爾心眼開通三昧現前卽是唯心淨土
天台十疑論云一切諸佛悉皆平等但衆生根鈍濁
亂者多若不專心係念一佛則心散漫三昧難成故
專令念阿彌陀佛卽是一相三昧寶王論云修持一
相三昧者當于行住坐臥係念不忘縱令昏寐亦係
念而寢覺卽續之不以餘業間斷不以貪嗔等間隔
隨犯隨懺悔念念常清淨圓明卽是一相三昧也
又須發救度衆生心發至誠心發堅固心發深心加
以禮拜念佛如此則現世蒙佛加佑身後必上品上

生救度衆生心者願生淨土見佛得道後救度苦海
衆生非獨度自身也至誠心者直心歸向無邪曲也
堅固心者堅持精進更不退轉也深心者用心深至
直透淨土如探海底明珠也三世諸佛與法界衆生
皆由心造吾心如是焉得不上品上生

人生皆如水泡生滅不常或一歲二歲或一十二十
幸而至五六十亦爲難矣况世間無非是苦但不思
省故不覺知不稱意時固爲苦矣卽或稱意亦無多
時父母妻兒或疾病死亡或憂惱離散或自己大限

享富貴者
深烈可慮
何則其享
福處即是
造業處今
不知修來
生縱不墮
落亦不
莫如今切
宜猛省

忽然而至平生罪惡豈得全無自少至老積累既多
閉眼之後不免隨業緣去或墮地獄受諸極苦或爲
畜生受人宰殺或生餓鬼饑火燒身或入修羅墮恨
戰鬪卽有善業得生天上人間受盡福報依舊輪迴
漂流汨沒無有出期惟西方淨土最爲超脫輪迴之
捷徑更得不退轉色身難得趣康健時辦此大事當
常作念云吾自無始以來輪迴六道不知有此法門
故不出離今日知之豈可不卽時下手年高者固當
急急勉力年少者亦不可因循平時豫備工力純熟

臨命終時徑生極樂世界視死入地府見閻王受譴
責者相去萬萬矣况其工甚易行盡大藏中八萬四
千法門無如此之要捷者而人或不知可痛惜哉知
而不行尤可痛惜也

凡受師友之訓誨思地之提挈交游之禮遇悉皆告
以淨土而爲之報以至與一切人或一飯一茶一言
一坐下至僕隸有事我之勞者皆以此告之使脫離
苦海卽一切知與不知識與不識皆以是化之使其
生淨土又一切飛禽走獸蜎飛蠕動之類遇彼宰殺

淨土全書
受困時皆當爲念阿彌陀佛數聲或往生呪數遍云
願汝往生極樂世界乃至形相不可見者亦當作是
念言如此則吾善念純熟臨終上品上生必矣大慈
菩薩勸修西方偈云能勸二人修比自己精進勸至
十餘人福德已無量如勸百與千名爲真菩薩又能
過萬數卽是阿彌陀勸人善道名爲法施勸修淨土
又法施之最大者

齋僧供佛燒香獻花懸旛建塔念佛禮懺種種三寶
上崇奉以此功德迴向願生西方或爲世間種種利
益方便善事若爲子盡孝爲兄友愛爲弟敬長鄉黨
鄰里姻親相接以禮相與以恩以至事君則盡忠爲
官則盡仁爲下則勤以事上或教導愚迷或扶助孤
弱或濟急難或惠貧窮或修橋砌路或施藥散食或
減己奉養以利他人或臨財饒人以自省約或教人
爲善或讚善止惡隨力所作世間一切善事不拘大
小不拘多少以此迴向願生西方常使一念不斷念
茲在茲必上品上生

佛言欲修淨土當修三福一者孝養父母奉事師長

慈心不殺修十善業二者受持三皈具足衆戒不犯
威儀三者發菩提心深信因果讀誦大乘解第一義
勸進行者此三世諸佛淨業正因三皈謂皈依佛法
僧也

爲人子者
不可不知

人子于父母服勞奉養以安之孝也立身行道以顯
之大孝也勸以念佛法門俾得往生淨土大孝之大
孝也奉告世人父母在堂早勸念佛更須教以至誠
信向一心專念寶積經云世尊父王頂禮佛足一心
合掌而白佛言云何修行當得佛道佛言一切衆生

爲兒者
不可不知

皆卽是佛汝今當念西方世界阿彌陀佛常勤精進
當得佛道觀此則知爲人子者斷當勸進父母矣

呂文正公每晨興禮佛祝云不信三寶者幸勿生我
家願子孫世世食祿護持佛法後呂氏所出若公若
若好問若用中皆貴顯而奉佛竟酬所願况求生淨
土取必于自己而有不可必得者乎

凡在家菩薩無檀信之齋供必須隨順正法度日資
生或田疇力作或市井經營或富有家貲或日求升
斗勤則不餓儉則不奢如此修行方爲佛子所以潭

州黃老常打鐵以修行居士龐公賣篋篋而養道喻
彌陀画像爲業戴佛菴發燭資身可謂一日不作一
日不食矣

善道和尚臨終往生正念文曰凡一切人命終欲生
淨土須是不得怕死常念此身多苦不淨惡業種種
交纏若得舍此穢身超生淨土受無量快樂解脫生
死苦趣乃是極稱意之事如脫弊衣得換珍服但當
放下身心莫生戀着凡遇病時便念無常一心待死
叮囑家人及往來問候人凡來我前爲我念佛不得

此爲功力
淺薄信回
未薦者猶
勸方便

在臨終起
時得定便
好若功力
精深者又
無藉此

說眼前閒雜之語家中長短之事亦不須溫言相慰
祝願安樂若病重將終之際親屬不得垂淚哭泣及
發嗟嘆懊惱之聲惑亂心神失其正念但一時同聲
念佛待氣盡良久方可哀泣纔有絲毫繫戀便成墜
礙不得解脫若得明曉淨土之人類來策勵極爲得
力若依此者決定往生斷無疑也知歸子問曰平生
未念佛人還用得否答曰此法僧人俗人未念佛人
用之皆得往生決定無疑常見世人平常念佛禮讚
發願求生西方甚是勤拳及至臨病却又怕死都不



說着往生淨土之事直待氣消命盡方始十念鳴鐘
却如賊去闔門濟何事也生死事大須是自家着力
始得若一念差錯歷劫受苦誰人相代思之思之若
無事時常以此法精進受持是為臨終大事

佛言若人命終之際豫知時至正念分明洗浴着衣
吉祥而逝光明照身見佛相好衆善俱見定知此人
決定往生淨土

天台十疑論云臨終念佛名最後心其心猛利一念
佛名卽生淨土蓋垂死時其心猛健決定勝于百歲

盡人可以
念佛而人
盡必不肯
念攝攝耳
哉

行力故能感佛來迎卽生彼土也

蓮池大師曰念佛法門不論男女僧俗不論貴賤智

愚不論老少疲瘡但一心不亂隨其功行大小九品

往生故知世間無有一人不堪念佛試為衆等言之

若人富貴受用現成正好念佛若人貧窮家小累少

正好念佛若人有子宗祀得託正好念佛若人無子

孤身自由正好念佛若人子孝安受供養正好念佛

若人子逆兔生愛戀正好念佛若人無病趁身康健

正好念佛若人有病切近無常正好念佛若人年少

精神強健正好念佛若人年老光景無多正好念佛
若人處閒心無事擾正好念佛若人處忙裏偷閒
正好念佛若人出家逍遙物外正好念佛若人在家
知是火宅正好念佛若人聰明通曉淨土正好念佛
若人愚魯別無所能正好念佛若人持律律是佛制
正好念佛若人看經經是佛說正好念佛若人參禪
禪是佛心正好念佛若人悟道道須佛證正好念佛
普勸世人火急念佛九品往生華開見佛見佛聞法
究竟成佛始知自心本來是佛

真歇了禪師云捷徑法門惟有念佛功高易進若不
念佛而求出離者終無所獲普勸清信一心念佛求
願往生決矣不悞
明教大師云吾勸學道者若不能頓悟且把一句阿
彌陀佛常憶常念常覺常照何以故此時縱然未悟
臨命終時仗彼佛力必得往生既得往生何愁不悟
諸仁者要知念佛一門實乃超出餘門之上

天如祖師云世人愚昧特甚教他念佛往生每自諉
凡夫如何敢望必待來世再修不知念佛法門一念

凡夫病根
一言道破
切宜猛省

信心彈指可到總仗佛力接引何待來生先德云此
身不向今生度更向何生度此身斯言誠宜三復
宗本法師禪宗淨土難易說今世人提公案做工夫
只期參禪悟道不願往生淨土此法何如答曰科
上智之人可以直參實悟畧有差訛便成大錯何以
故參禪悟道者難念佛往生者易古德云參禪要了
生死百無二三念佛求生淨土萬不失一正所謂有
禪無淨土十人九錯路也法門固有八萬四千總不
如一句阿彌陀佛

淨土抉迷

獅子峯如如顏丙勸修淨業文

身為苦本
覺悟早修

明誦一過
直令人灰
其心而禱
其形矣

只這色身誰信身為苦本盡貪世樂不知樂是苦因
淨生易度豈是久居幻質非堅總歸磨滅自未入胞
胎之日寧有這男女之形只緣地水火風假合而成
不免生老病死彫殘之苦上無絲線可掛下沒根株
所生虛浮如水上泡須臾不久危脆似草頭露倏忽
便無長年者不過六七十以皆亡短命者大都三二
十而早夭又有今日不知來日事又有上床別了下

床時幾多一息不來便覺千秋永別雪峰領一盞狐燈照夜臺上床
 脫了襪和鞋三魂七魄夢中去未委明朝來不來嘆此身無有是處奈誰人
 不被他瞞筋纏七尺骨頭皮裹一包肉塊九孔常流
 不淨六根恣逞無明髮毛爪齒聚若堆塵涕淚津液
 污如行廁裏面盡蛆蟲聚會外頭招蚊虱交攢沾一
 災一疾皆死得人更大熱大寒催人易老眼被色牽
 歸餓鬼耳隨聲去入阿鼻口頭喫盡味千般死後只
 添油幾滴長魁詩云紅紅白白莫相瞞無位真人赤肉團敗壞不如猪狗相只今便作死屍看
 此身無可愛惜諸人當願出離如何迷昧底尚逞風

流憎慳漢猶生顛倒或有骷髏頭上簪花簪草或有
 臭皮袋畔帶麝帶香羅衣罩了膿血囊錦衣遮却屎
 尿桶用盡奸心百計將謂任世萬年不知頭痛眼花
 鬪羅王接人來到那更鬢斑齒損無常鬼寄信相尋
 個個戀色貪財盡是失人身捷徑日日飲酒食肉無
 非種地獄深根眼前圖快活一時身後受苦辛萬劫
淨土文皮包血肉骨纏筋顛倒凡夫認作身到死始知非是我從前金玉付他人一旦命根
 絕處四大風刀割時外則脚手牽抽內則肝腸痛裂
 縱使妻兒相惜無計留君假饒骨肉滿前有誰替汝

古頌父母恩深終有別夫妻義重也分
離人情似鳥同林宿大限來時各自飛
啼痛切死者不免神識奔馳前途不見光明舉眼全
無伴侶過奈河橋見之無不悲傷入鬼門關到者盡
皆淒慘世上纔經七日陰間押見十王曹官抱案沒
人情獄卒持叉無笑面平生作善者送歸天道仙道
人道在日作惡者押入湯塗火塗刀塗錢湯沸若崖
崩劍樹勢如山聳灌銅汁而偏身肉爛吞鏡丸而滿
口烟生遭到磕則血肉淋漓入寒水則皮膚凍裂身
碎業風吹再活命終羅刹喝重生人間歷盡百春秋

獄內方爲一晝夜

延光集獲湯爐炭喧幽壤劍樹刀
山聳太清受罪要終入萬劫獄卒

牛頭始
放行

魂魄雖歸鬼界身屍猶臥棺中或隔三朝五

朝或當六月七月腐爛則出蟲出血臭穢則熏地熏
天胖脹不堪觀醜惡真可怕催促付一堆野火斷送
埋萬里荒山昔時耍俏紅顏翻成灰燼今日荒涼白
骨變作泥堆

寒山頌胭脂面嬌千樣龍麝熏衣悄
百般今日風流都不見綠楊芳草鬪體

寒

從前恩愛到此成空自昔英雄如今何在淚雨灑

時空寂寂悲風動處冷颼颼夜闌而鬼哭神號歲久
而鷄食雀啄荒草畔漫留碑石綠楊中空掛紙錢下

稍頭難免如斯到這裏怎生不醒寒山云雀啄鴉塗皮肉盡風吹日炙

獨體乾目前試問旁觀者自把形骸仔細看大家具眼休更埋頭翻身跳

出迷津彈指裂開愛網休向鬼窟裏作活計要知肉

團上有真人是男是女總堪修若智若愚皆有分但

請迴光返照便知本體元無若未能學道參禪也且

勤持齋念佛捨惡歸善改往修來移六賊為六神通

離八苦得八自在便好替天行化不妨代佛接人對

衆為大衆宣揚歸家為一家解說使處處齊知覺悟

教人人盡免沉淪上助諸佛轉法輪下拔衆生離苦

海佛言不信何言可信人道不修他道難修莫教一

日換了皮縱有千佛難救汝火急進步時不待人各

請直下承當莫使此生空過寒山云百骸潰散離塵

得此時通線路骷髏

觀者地幾人知
天台智者大師勸修行人專修淨土

設問曰諸佛菩薩以大悲為業若欲救度衆生祇應

願生三界于五濁三塗中救苦衆生因何求生淨土

自安其身專為自利障菩提道智者答曰菩薩有二

種一者久修行菩薩道得無生忍若實當斯責二者

淨土金書 卷五十一
未得已還及初發心凡夫菩薩者要須常不離佛忍
力成就方堪處三界內于惡世界救苦衆生故智度
論云具縛凡夫有大悲心願生惡世救苦衆生者無
有是處何以故惡世界煩惱強自無忍力心隨境轉
聲色所縛自墮三塗焉能救衆生假令持戒修福得
生人中作國王大臣富貴自在縱遇善知識不肯信
用貪迷放逸廣造衆罪乘此惡業一入三塗經無量
劫從地獄出受貧賤身若不逢善知識還墮地獄如
此輪迴至于今日人人皆如是此名難行道也故維

摩經云自疾不能救而能救諸疾人又智度論云譬
如二人各有親眷爲水所溺一人情急直入水救爲
無方便力故彼此俱沒一人有方便往取舩筏乘之
救接悉皆得脫水溺之難新發意菩薩亦復如是未
得忍力不能救衆生爲此常須近佛得無生忍已方
能救衆生如得舩者凡夫無力唯得專念阿彌陀佛
使成三昧臨終歛念得生決定不疑見彌陀佛證無
生忍已還來三界乘無生忍舩救苦衆生廣施佛事
任意自在故論云遊戲地獄行者生彼國得無生忍

已還入生死國教化地獄救苦衆生以是因緣求生淨土此名易行道也

真州長蘆慈覺禪師勸參禪人兼修淨土

夫以念爲念以生爲生者常見之所失也以無念爲無念以無生爲無生者邪見之所惑也念而無念生而無生者第一義諦也是以實際理地不受一塵則上無諸佛之可念下無淨土之可生佛事門中不捨一法則總攝諸根益有念佛三昧還源要術示開往生一門故經云若人聞說阿彌陀佛執持名號乃至

是人終時心不顛倒卽得往生阿彌陀佛極樂國土蓋以初心入道忍力未淳須託淨緣以爲增上何則娑婆國土釋迦已滅彌勒未生極樂世界阿彌陀佛現在說法娑婆國土觀音勢至徒仰嘉名極樂世界彼二上人親爲勝友娑婆國土諸魔競作惱亂行人極樂世界大光明中決無魔事娑婆國土邪聲雜亂女色妖姪極樂世界水鳥樹林咸宣妙法正報清淨實無女人然則修行緣具無若西方稀見縉流橫生疑謗切嘗論之此方之人無不厭俗舍之煩喧慕蘭

若之寂靜故有捨家出家則殷勤讚歎而娑婆衆苦
何止俗舍之煩喧極樂優游豈止蘭若之寂靜知出
家爲美而不願往生其惑一也萬里辛勤遠求知識
者蓋以發明大事決擇生死而彌陀世尊願力弘深
一演圓音無不明契願叅知識而不欲見佛其惑二
也叢林廣衆皆樂棲遲少衆道場不欲依附而極樂
世界一生補處其數甚多諸上善人俱會一處旣欲
親近叢林而不慕清淨海衆其惑三也此方之人上
壽不過百歲童癡老耄疾病睡眠常居大半西方之

人壽命無量一託蓮苞便獲阿惟越致

即不退轉

佛階決

定可期流轉娑婆促景而不知淨土長年其惑四也
若乃位居不退果證無生在欲無欲居塵不塵方能
與無緣慈運同體悲迴入塵勞其有淺聞傘慧或與
少善相應便謂永出四流高超十地詆訶淨土耽戀
娑婆不知自是何人擬此大權菩薩其惑五也若夫
信佛言而生淨土則累繫之所不能拘劫波之所不
能害謝人間之八苦無天上之五衰尚無惡道之名
何況有實唯顯一乘之法決定無三益解脫之要門

修行之捷徑無出此矣是以了義大乘無不指歸淨
土前賢後聖自他皆願往生凡以欲得度人先須自
度故也嗚呼人無遠慮必有近憂一失人身萬劫深
悔故率大海衆各念彌陀佛則十萬遙程不勞而至
矣

杭州永明壽禪師戒無證悟人勿輕淨土

設問曰但見性悟道便超生死何用繫念彼佛求生
他方荅曰真修行人應自審察如人飲水冷暖自知
諸仁者當觀自己行解見性悟道能如馬鳴龍樹否

得無礙辯才證法華三昧能如天台智者否宗說皆
通行解兼修能如忠國師否此諸大士皆明垂言教
深勸往生蓋是自利利他豈肯悞人自悞况往生傳
所載古今高士事跡顯著非一宜勤觀覽以自照知
又當自度臨命終時生死去住定得自在否自無始
來惡業重障定不現前此一報身定脫輪廻否三塗
惡道異類中行出沒自由定無苦惱否天上人間十
方世界隨意寄託定無滯礙否若也了了自信得及
何善如之若其未也莫以一時貢高却致永劫沉淪

自失善利將復誰充嗚呼哀哉何嗟及矣

蓮池大師序勸往生

世尊始成正覺爲諸有情普演佛乘旣而機難盡投于一乘中示三乘法而復于三乘中出淨土一門今去佛日遠進之不能發神解超聖階退之俛俛乎有淪墜之患而匪仗此門其何從疾脫生死大矣哉可謂起末世之沉疴必効之靈藥也顧古之効多今之効少其咎安在則亦口淨土心娑婆而堅勇明悟不及前輩云爾昔有傳往生者歲久滅没予于斷章遺

跡中摘其因果昭灼者積之成編俾緇素之流確知其也以如是解脫而生某也以如是純一而生某也以如是精誠之極感格而生某也以如是大悲大願而生某也以如是改過不吝轉業于將墮也而生某如是上生某如是中生下生庶幾乎考古驗今爲淨業者左券客有過我者閱未數傳勃然曰淨土唯心外無土往生淨土寓言也子以爲真生乎哉寧不垂于無生之旨乎俟其色定徐而謂曰談何容易如以無生而已一切斷滅不應尚有唯心果悟無生則

終日生而未嘗生也且爾已盡漏心否乎對曰不能
噫漏心未盡則生緣未休生緣未休則托質有所茫
茫三界大苦海中不生淨土而生何土六道之匍匐
九品之逍遙相去殆天淵矣飾虛論而爭高吾弗爲
之卽淨土而之佛乘未嘗間隔絲毫而奚爭之有容
乃惘然自失亟請梓焉

丞相鄭清之勸修淨土文

人皆謂修淨土不如禪教律余獨謂禪教律法門莫
如修淨土夫真淨明妙虛徹靈通凡在智愚皆具此

性故釋氏以禪教律假設方便使之從門而入俱得
超悟惟無量壽佛獨出一門曰修行淨土如傘方治
病簡要直截一念之專卽到彼岸不問緇白皆可奉
行但知爲化愚俗淺近之說其實則成佛道捷徑之
途今之學佛者不過禪教律究竟圓頓莫如禪非利
根上器神領意解者則未免墮頑空之失研究三乘
莫如教非得魚忘筌因指見月者未免鑽故紙之病
護善遮惡莫如律非身心清淨表裏如一者未免自
纏縛之苦其不由禪教律而得戒定慧者唯淨土一

門乎方念佛時口誦心維諸惡莫作豈非戒繫念淨
境幻塵俱滅豈非定念實無念心華湛然豈非慧人
能屏除萬慮一意西方則不施棒喝而悟圓頓機不
闕大藏經而得正法眼不持四威儀中而得大自在
不垢不淨無纏無脫當是時也孰爲戒定慧孰爲禪
教律我心佛心一無差別此修淨土之極致也八功
德水金蓮華臺又何必疑哉


廬陵李彥弼夢記

彥弼乾道癸巳家染疫疾四月五日彥弼亦病粥藥

不進至十九日早夢一人褐衣神貌清癯以手撫摩
彥弼肢體而呼令速起彥弼惕然問曰公何人耶荅
曰予卽龍舒也彥弼因告以疾病雖欲支持莫能將
何以愈其疾乎公曰記省闕仲雅教汝捷徑否彥弼
曰然每日持誦阿彌陀佛不輟公曰汝起食白粥卽
可旣寤索粥食之病果隨愈後見龍舒畫像儼然如
夢中見者彥弼稔聞居士誨人不倦所至學者輻輳
謝君以靜逸堂待之正月十一日令子侄往承其教
不久回云居士夜來講書罷如常持誦禮佛至三鼓

忽厲聲念阿彌陀佛數聲云佛來接我言訖立化是
夕邦人有夢二青衣引公向西而行傳爲勝異居士
未示寂滅前三日徧囑諸人勉進道業有此後不復
再見之語自非功力精深達乎生死者未易臻此彥
觴一病垂死荷居士陰賜拯接遂獲平愈可謂生死
骨肉者矣或曰夢因想成然食白粥之效安可誣也
謹刻公像并著感應事跡用廣其傳非敢飾辭以惑
耳目伏冀見聞敬信同霑利益公姓王名日休字虛
中號龍舒居士云是歲下元廬陵李彥弼謹記

式十一



式
十一